

آبونه اولوق ایستینلر دائره عدلیه ده
اداره مخصوصه سنه مراجعت
ایتملیدر

اعلانانک بهرندن بر مجیدیه اخذ
ایدیلور

نسخه سی ۴۰ پاره در

تجدیدیه

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تجربیات

[دبره سنجانغی مرکزیه مربوطاتی قضالر تشکیلات
عدلیه سی]

دبره سنجانغی بدایت محکمه سی جزا دائره سی
ریاستی ویزه قضاسی بدایت محکمه سی مدعی عمومی
معاونی مصطفی حق افندی به
لواء مذکور بدایت محکمه سی مدعی عمومی
معاونلکی قسطنمونی ولایتی استیناف محکمه سی باش
کاتبی شوکت افندی به

دبره وزیر قضاسی بدایت محکمه سی ریاستی مناستر
ولایتی استیناف محکمه سی باش کاتبی مظهر افندی به
قضاء مزبور مدعی عمومی معاونلکی طربزون
ولایتی مرکز بدایت محکمه سی مستطقی تانیسی رفعت
افندی به

ماط قضاسی بدایت محکمه سی ریاستی لازستان
سنجانغی بدایت محکمه سی باش کاتبی حسن فهمی افندی به
قضاء مزبور مدعی عمومی معاونلکی بولی
سنجانغی بدایت محکمه سی مستطقی صلاح الدین افندی به
رقه لر قضاسی بدایت محکمه سی ریاستی پرزرین
سنجانغی بدایت محکمه سی باش کاتبی حسام الدین افندی به
قضاء مزبور مدعی عمومی معاونلکی منتشا
سنجانغی بدایت محکمه سی مستطقی احمد خلوصی
افندی به

[ایلبان سنجانغه مربوط قضالر تشکیلات عدلیه سی]

غرامش قضاسی بدایت محکمه سی ریاستی ارزنجان
سنجانغی بدایت محکمه سی مستطقی شفیق افندی به
قضاء مزبور مدعی عمومی معاونلکی دکزلی
سنجانغی بدایت محکمه سی مستطقی حسن فهمی افندی به
پکلین قضاسی بدایت محکمه سی ریاستی کنج
سنجانغی بدایت محکمه سی مستطقی زین العابدین افندی به
قضاء مزبور مدعی عمومی معاونلکی حسن سنجانغی
بدایت محکمه سی مستطقی علی رمزی افندی به

[کورچیه سنجانغه مربوط قضالر تشکیلات عدلیه سی]

کسریه قضاسی بدایت محکمه سی ریاستی خداوندکار
ولایتی استیناف محکمه سی باش کاتبی مظهر بکه

قضاء مزبور مدعی عمومی معاونلکی کوتاهیه
سنجانغی بدایت محکمه سی مستطقی رفیق افندی به
استاروه قضاسی بدایت محکمه سی ریاستی یانیه ولایتی
استیناف محکمه سی باش کاتبی محمود ذکی افندی به

قضاء مزبور مدعی عمومی معاونلکی انطالیه
سنجانغی بدایت محکمه سی مستطقی لثت افندی به
قولونیه قضاسی بدایت محکمه سی ریاستی آیدین
سنجانغی بدایت محکمه سی مستطقی حسین سامی افندی به
قضاء مزبور مدعی عمومی معاونلکی بوردور
سنجانغی بدایت محکمه سی مستطقی محمد فهمی افندی به

[پرشته سنجانغه مربوط قضالر تشکیلات عدلیه سی]

کیلان قضاسی بدایت محکمه سی ریاستی سوریه
ولایتی مرکز بدایت محکمه سی سر مستطقی حسن شکری
افندی به

قضاء مزبور مدعی عمومی معاونلکی سیواس
ولایتی مرکز بدایت محکمه سی اجرا مأموری محمد توفیق
افندی به

پره شوه قضاسی بدایت محکمه سی ریاستی قسطنمونی
ولایتی مرکز بدایت محکمه سی سر مستطقی محمد نجمی بکه
قضاء مزبور مدعی عمومی معاونلکی کوریجه
سنجانغی بدایت محکمه سی مستطقی حمدی افندی به

مترویجه قضاسی بدایت محکمه سی ریاستی قونیه
ولایتی مرکز بدایت محکمه سی باش کاتبی محمد سعید
افندی به

قضاء مزبور مدعی عمومی معاونلکی پرشته
سنجانغی بدایت محکمه سی مستطقی حاجی راشد افندی به
ولچترین قضاسی بدایت محکمه سی ریاستی سوریه
ولایتی استیناف محکمه سی باش کاتبی فوزی افندی به

قضاء مزبور مدعی عمومی معاونلکی دده اغاج
سنجانغی بدایت محکمه سی باش کاتبی احسان افندی به
یکی بازار قضاسی بدایت محکمه سی ریاستی مناستر
ولایتی استیناف محکمه سی باش کاتبی محمد صبری افندی به
قضاء مزبور مدعی عمومی معاونلکی جانیک
سنجانغی بدایت محکمه سی مستطقی اسماعیل وحی افندی به

[سندیجه سنجانغه مربوط قضالر تشکیلات عدلیه سی]

قولاشین قضاسی بدایت محکمه سی ریاستی دیاربکر

ولایتی استیناف محکمه سی باش کاتبی محمد توفیق افندی به
قضاء مزبور مدعی عمومی معاونلکی کوملجیه
سنجانغی بدایت محکمه سی مستطقی حسن حفظی افندی به
یکی واروش قضاسی بدایت محکمه سی ریاستی حما
سنجانغی بدایت محکمه سی مستطقی محمد فهمی افندی به
قضاء مزبور مدعی عمومی معاونلکی مدلولو سنجانغی
بدایت محکمه سی اجرا مأموری عثمان بحری افندی به
آقوه قضاسی بدایت محکمه سی ریاستی بتلیس ولایتی
استیناف محکمه سی باش کاتبی شا کراندی به

قضاء مزبور مدعی عمومی معاونلکی قاریوط
جزیرده سی بدایت محکمه سی باش کاتبی اسماعیل حق
افندی به

[طاشلیجه سنجانغه مربوط قضا تشکیلات عدلیه سی]

پره پول قضاسی بدایت محکمه سی ریاستی صاروخان
سنجانغی بدایت محکمه سی مستطقی عصمت افندی به

قضاء مزبور مدعی عمومی معاونلکی قره حصار
صاحب سنجانغی بدایت محکمه سی مستطقی حسن خلوصی
افندی به تفویض بیورنش ومومی الهمک «ذات شوکتسمات
حضرت خلافتیناهی به ودولت علیه لرینه صادقانه حسن
ایفای خدمت ایده جککرینه وخلاف ناموس و صداقت
ومغایر عدالت احوال وحرکاتی ده ارتکاب ایلیه جککرینه»
دائر امر تحلیفلرینک اجراسی محللرینه تبلیغ وانبا
قلمشدر.

تبلیغات

ارگری سنجانغی رژی اداره سنک مصارف محاکمه
واجرت وکالت اوله رق محکوم به دینی اولوب تأدیه سندن
امتناع ایدیلان مبالغ معلومه نك استیقامی ضمننده
اداره مذکوره انبارنده موجود توتونلرک حمزی
وبالمزایده فروخته امانندن مبالغ محکوم بهانک تسویه سی
قانوناً مقتضی بولندیغه دائر انجمن عدلیه جه اتخاذ
اولنان قرار اوزرینه رژی اداره سی قومیسر لکندن
وارد اولان مذکره ایله ملفوفی بولنان رژی مدیریت
عمومیه سنک مذکره سنده ، رژی انبارلرنده معمول

و غیر معمول اوله رق موجود بولند برلمده اولان دخاناردن معمول اولمالارک داخلده فروختی شرطدا مه نك اون طقوزنجی ماده سندنه کی صراحت ايله منع ایدلش و معمول اولان قسمتك دخی برتر فیه توفیقاً تعیین اولان قیثات اوزرینه رخصتامة مخصوص ايله کشاد اوله جق دکانلرده صاتیله جفی مذکور شرطنامه نك یکریمی ایکنجی و یکریمی دردنجی ماده لرنده کوسرملش اولسنه نظراً ذکر اولان انبارلرده موجود توتونلرک موقع مزایده به وضی و عندالزایده تقرر ایدن بدل ايله شوکا بوکا فروختی شرطنامه احکامه و محافظه سی لازم ولاید اولان اصول و قواعد انحصار به مخالف اوله جتی و بونکله برابر طشره زرئی ادارلرنجه بر اعلامک اجرای حکمی امرنده خلاف قانون احداث مشکلات ایدلرکی تقدیرده رسماً وقوعه جق تبلیغات دائره سنده اداره عمومیجه درحال حکم اعلامک انفاذ ایدلرکی بیانیله انجمن قراونک تعدیل طلب واستدعا ایدلرکی کیفیت انجمن عدلیه جه لدی التذکر داین طرفدن قبل الحکم اجراسی استدعا قننان حیز احتیاطی ايله بعدالحکم وضی طلب ایدیلان حیز اجرا سندن مستثنا اولان اموال و اشیا اصول محاکمه حقوقیه قانوننک ایکویزیتش دردنجی و ایکویزیتش بشنچی و اجرا قانوننک الی اوجنچی والی دردنجی والی بشنچی ماده لرنده بیان تعداد اوله رق زرئی انبارلرده موجود توتونلرک ایسه کرک حیز احتیاطی و کرک حیز اجرا سندن مصونیتی مواد مذکورده تصریح اولان اموال و اشیا بدین غیر معدود و مدیریت عمومی نك مذکور سنده استاد ایدیلان شرطنامه نك اون طقوزنجی و یکریمی ایکنجی و یکریمی دردنجی ماده لری دخی خلاصه اوراقده سرد و بیان اولدینی وجهه غیر معمول توتونلرک داخلده منع فروختی و معمول اولان قسمتك بارخصتامة کشاد اولان دکانلرده قیثات معینه سیله صاتیلی جوازی کوسرملکه اولوب زرئی توتونلرک حیزدن استثناسی متضمن مواد مذکورده بر قید و صراحت مفقود اولسنه مبنی اداره مذکورده حیز معامله سنده احکام عمومی قانونیه تابع اولسی لازم کله چکی بدینی و دائره اجراجه حیز اولسان بوکی اموال منقوله نك اجرا قانونی احکامه توفیقاً فروختی طبیعی اولسنه اداره مذکورده نك اشعار واقعی انجمنک صراحت قانونیه مستند اولان مطالعات سابقه سی تعدیل ایدر اسبابدن کوریه مامش ومع هذا اداره مذکورده لازم الاجرا بر اعلام ايله محکوم به اولان دینی مدیریت عمومی نك مذکورده بیان اولدینی اوزره دائره اجراء اختصارات و تبلیغات ابتدایه ایفادسی متعاقب تسویه ایدلکی صورته انبارلرده موجود توتونلرک حیز و فروخته قیام اولتی کی

معامله قانونیه اجراسنه محل قالمیه جتی جهته دائره اجراءن و وقوعه جق تبلیغات متابعت اصول و قواعد انحصار به نك محافظه سه هرشدن زیاده خدمت ایده چکی درکار بولندینی انجمن مذکورده افاده و عدلیه نظارت جلیله سندن اولوجه ذکر اولان قومیسر لکه تبلیغ ماده قلمشدر .

محاکمه قضاوت

محکمه تمیز استدعا دائره سندن اعطا قننان ۲۳ کانون اول سنه ۳۱۸ تاریخلی اعلامدر :

ایازمه قبوسنده اون اوج نومرولی مغازه ده ساکن کراسه تجارتدن الیاس فهی افندی ايله بننده متکون دعوا به دائره سعادت استیفاء تجارت محکمه سندن ویریلان ۵ تشرین اول سنه ۳۱۸ تاریخلی اعلامک تمیزی مستدعی کراسه تجارتدن ابنه جی زاده احمد ضیا افندی و کیلی خیرسلطوس طوماییدیس افندی و بریدی عرغیصال و متفرعاتی باش مدعی عمومیک مأموریت بهیه نك مطالعه نامه سیله برلشد بریلرک محکمه تمیز استدعا دائره سنده لدی التدقیق مدت و شروط قانونیه سه موافق اولدینی و اعلام مذکورک وظیفه متعلق بولندینی کلاشلرک عرغیصال مزبوریا لقبول تدقیقات تمیزی اجراسه ابتدار قلندی . اعلام مذکورک خلاصه مالی مومی الیه الیاس فهی افندی اوجپوزاون اوج سنه سی تمیزی ابتداسنده قره دکر ساحلده دوزجه قضاسنه مربوطمه اسکله سنده بولسان اوج بیک الی یوز بارجه کراسه تی ریزلی فو قودانک سوار اولدینی سفینه به بالتحمیل درسعادت ارساله کندوسی بالتلغرافنامه مأمور ایتمی اوزرینه اورابه عزیمتله التیش بدی کون اشتغال ایدرک اشو وظیفه تی تماماً ایفا التیش و اورمان نظارتیه عقد ایدلکی معامله لرینک و کیلی نامندن کندی نامه تحویل معامله سنک اجراسی چون دخی دوزجه به واورادن دخی بولی به کیدرک اونوز درت کون مشغول اولش و بناء علیه یومیه بر یجق ایرادن مومی الیه فهی افندی ذمتده اجرت عمل اوله رق یوز الی بر یجق ایرای غنائی الاجنی بولش ایدو کندن بخشله مبلغ مزبورک تحصیلی مومی الیه احمد ضیا افندی ایکنجی محکمه تجارتده طلب و دعوی ومدعی علیه و کیلی دخی مدعی اجرته استخدام اولنور ذواندن اولمدینی کی مومکنک بوخصوصه کی صفتی دخی صفت تجارتیه کی حائز اولمدینی جهته دعوی حاضره نك فصل وحسی محکمه تجارتک وظیفه سی خارجده بولندینی مدافعه درمیان تجارتی اوزرینه بوجهت لدی المذاکره تجار معتبرنده استخدام اولسان اشخاصک استحقاقندن

متولد دعواونک رؤیت و تدقیق محکمه تجارتک وظیفه سی داخلنده ایدوکی بیانیله وظیفه اعتراضک ردینه و اساس ماده بالتدقیق یوز قرق بش یجق لیرای غنائی اجرینک مدعی علبدن بالتحصیل مدعی به اعطاسنه دائر بدایه لاحق اولان اعلام اوزرینه عندالاستیفاء سبق ایدن محاکمه و تدقیقات نتیجه سنده دعوی واقعه نك اجرت طلبنه متعلق اولدینه و مومی الیه احمد ضیا افندی الیاس فهی افندی نژدنده خدمتکارلی و کثابت وظیفه سی کی محکمه تجارتک رؤیت دعوا به وظیفه دار اولسنی ایجاب ایدن برخدعتی سبق ایتمیکنه مبنی ایکنجی تجارت محکمه سنک خارج از وظیفه اوله رق بودعوا ی رؤیت ايله اعلامه ربط ایتمی مخالف قانون بولندیندن بخشله اعلام مستأفف بهک فسحیل طرفنک حقوق محکمه سه مراجعته مختار اولدق لرینه قرار ورلیدکندن و مستدعی تمیز وکیلک اشو قرار علیه لایحه سنده مندرج اعترا ضانک خلاصه سی دخی مدعی علیه فهی افندی نك صفت تجارتیه کی حائز اولدینی و ذات دعوانکده تجارت امورنده استخوانندن تولد ایدلکی و بناء علیه دعوی واقعه نك فصل وحسی محکمه تجارتک وظیفه سی داخلنده بولندینی حالده اسباب محرریه بناء رؤیت دعوانک حقوق محکمه سه عائدته قرار ویرلسی مغایر قانون ایدو کندن بخشله اعلام استیفاء نك تقضی و مدعی علیه فهی افندی اعطا ایدلکی لایحه ده محرر فذلکله اوجوبده اعلام مزبورک موافق اصول و قانون ایدوکی بیانیله تصدیق استه سندن و مطالعه نامه نك مفادیده موافق قانون کوریه میان اعتراضات مسرود نك ردیه اعلام مذکورک تصدیق لازم کله چکی یاسندن عبارت بولنشدر . ایجابی لدی المذاکره هر نه قدر دعوی واقعه اجرت طلبندن عبارت ایسه ده مدعی علیه الیاس فهی افندی صفت تجارتیه کی حائز اولسنه و بموقعه دعوا یده مدعی علیه صفتی نظر اعتباره الهه رق مرجع رؤیت تعیین اولتی لازم کله چکنه و قانوناً تجارت علیه اقامه اولسان دعواونک رؤیت و تدقیق محاکم تجارت عائد بولسنه نظراً تمیز به اولان قرار استیفاء موافق قانون کوریه مدیکندن اصول محاکمه حقوقیه قانوننک ایکویز اوتوز ایکنجی ماده سی حکمه توفیقاً اعلام استیفاء نك قضیه کیفیتک احکام قانونیه دائره سنده رؤیت و تدقیق ضمتنده استیفاء تجارت محکمه سه اعاده سه و اوجپوز قرق طقوز غروش اون یاره مصارف تمیزی نك بالاخره حقسز حقیقه جق طرفه راجع اولتی اوزره اول امرده مستدعی تمیز احمد ضیا افندی آلمسه ۲۳ کانون اول سنه ۳۱۸ تاریخنده متفقاً قرار ویرلدی .

کتبه دن امین بکی قتل ایدلکی ادعا قلمسندن دولای جنایتله اتهام اولان خدمتکار ارضروملی ابراهیم بن صادق اعدا مه دائره درسعادت جنایت محکمه سندن ویریلان ۱۳۷ نومرولی اعلام قره مرسل قصبه سی چاروشوسنده مقیم ترزی مولودک لیلای دکائی ناختراله کشاد ايله اشیا سی سرقت ایدلکی ادعا قلمسندن دولای جنایتله اتهام اولان قصبه مذکورده مقیم بوشناق سامینک اوج سه مدته کورکه قولسنه دائر اذمید سنجانی بدایت محکمه سی جزا دائره سندن ویریلان ۱۵ نومرولی اعلام بیغا قضاسنک امشه قریه سی اهالی سندن حسی جرح و عضو ی تعطل ایدلکی ادعا قلمسندن دولای جنا یته اتهام اولان بوب قریه لی قوجه ابراهیمک اوج سه مدته کورکه قولسنه دائر بیغا سنجانی بدایت محکمه سی جزا دائره سندن ویریلان ۲۱۸ نومرولی اعلام اسکندر ونده مقیم انطاکیه لی اشرفی قتل ایتمسندن دولای جنایتله اتهام اولان توتون قچاقچی توقاتی عرب احمدک اون بش سه مدته کورکه قولسنه دائر حلب ولایتی استیفاء محکمه سی جزا دائره سندن ویریلان ۵۶ نومرولی اعلام شقاوت ماده سندن دولای جنایتله اتهام اولان قوزانه لی خرسوخالوره نك الی سه مدته کورکه قولسنه دائره سرفجه سنجانی بدایت محکمه سی جزا دائره سندن ویریلان ۳۲۴ نومرولی اعلام زورعر اوغلی علی ی قتل ایتمسندن دولای جنایتله اتهام اولان فیضاه بن طوبال حسینک اون بش سه مدته کورکه قولسنه دائر انقره ولایتی استیفاء محکمه سی جزا دائره سندن ویریلان ۳۲۶ نومرولی اعلام خذک ناحیه سنک قلاق قریه سندن طوقه نك کریمه سی عایشه ی قتل ایدلکی ادعا قلمسندن دولای جنایتله اتهام اولان قریه مذکورده مرزغان اوغلی کاظمک اون بش سه مدته کورکه قولسنه دائر اذمید سنجانی بدایت محکمه سی جزا دائره سندن ویریلان ۳۱۴ نومرولی اعلام زوجه سی فاطمه ی قتل قضیه جرح ایتمسندن دولای جنایتله اتهام اولان انقره لی جانباز بکتاش بن اسماعیلک اوج سه مدته کورکه قولسنه دائر درسعادت جنایت محکمه سندن ویریلان ۳۱ نومرولی اعلام بیغا قضاسنک صاریجه قریه سندن مهاجر علی دایینک اوغلی حسینی جرح ايله تعطل عضو یه سببت ویر مسندن دولای جنایتله اتهام اولان مهاجر حسن بن عبداللهک اوج سه مدته کورکه قولسنه دائر بیغا سنجانی بدایت محکمه سی جزا دائره سندن ویریلان ۱۲ کانون ثانی سنه ۳۱۷ تاریخلی اعلام محکمه تمیز جزا دائره سنجه تصدیق اولنشدر .

قنان دقدقه فیل بقوشنده اسماعیل افندیکن خانه سندن فعل سرقته جرأت ایتدکری ادعا سیله متهم بولان حسین فهی و موسی کاظم و طاهر و باقر حقلرنده اجرا قننان محاکمه نتیجه سنده مرقوموند حسین فهی و موسی کاظم و طاهرک آلت مخصوصه استعمالیله سرقته جرأت لری اکلاشیهلیه یوب انجق مرقومونک لیلای آدم او طورر علان اشاع سرقت ایتدکری اخبارات و سائر دلائل و امارات ايله ثابت اولدینندن اول وجهه سرقت فعلنک فاعل لری اولدق لرینه و قانون جزانک ایکی یوز یکریمی ایکنجی ماده سی حکمه توفیقاً ایکیش سه مدته حبس ایدلرینه و دیگر متهم باقرک اشبو سرقت فعلنده اشتراکی اکلاشیهلیه مدیندن آلم دخی برانته ۱۷ حیز بران سنه ۳۱۹ تاریخنده محکمه جنایتجه قرار ویرلشدر .

بک اوغلنده فریده ده دیوارچی واسیلی بالمنازعه قتل قضیه جرح ایتدکی ادعا سیله متهم بولان مناسرتلی دیوارچی قوجو ولد طناش حقدنه اجرا قننان محاکمه نتیجه سنده مرقومک فعل جرحه مجاسرتی اخبارات و معاینه راپوری مندرجات ايله ثابت اولوب فقط جرح مذکورک قتل قضیه و قوی اکلاشیهلیه مدیندن مرقوم ملک عادی جرح فعلنک فاعلی اولدینغه و قانون جزانک یوز یتش طقوزنجی ماده سی حکمه توفیقاً الی ماه مدته حبسه و اوج لیرای غنائی جزای نقدی اخذینه ۱۷ حیز بران سنه ۳۱۹ تاریخنده محکمه جنایتجه قرار ویرلشدر .

غلطه لی مانولک علی ی ضرب ایدلکی تحقیق ایتدیکندن برهفته حبسه اسپرونک الی طاشله جرح و بدلیه چاوشی ادم افندی ی دخی اجرای مأموریت حالده ضرب ایدلکی ثابت اولدینندن ایکی سه حبسه اجرای وظیفه حالده پولیس اشرف افندی ی ضرب و جرح ایدن سنیم کوبلی طناشک بر سه حبسه نشان افندی ی ضرب ایدن پولیس قومیسری محمد افندی بر آ حبسه عشرنک ممنوعیت قطعیه سندن صکره سرخوش اوله رق صالطانه نك اموال منقوله سه ایراث خسار و مز بوره نك جرحه اجتناسار ایتدکی ثابت اولان یشارک یکریمی کون حبسه یکدیگری ضرب ایدن آوامک برهفته و مارقو ايله و یچچونک اوزکون حبس لرینه صاری یارلی وانسکک واسیله اطاله لسان ایدلکی ثابت اولدینندن یادم لیرا جزای نقدی اخذینه

عصمتک عباس اغایه اخافه قضیه شهیر سلاح ایدلکی اکلاشیلدینندن اون کون حبسه حق دخولی اولمدینی حالده صالح افندیکن خانه سه کیردکی ثابت اولان احمد افندیکن الی بشاک جزای نقدی اخذیه یکریمی درت ساعت حبسه مسیح پاشا حمله سنده ساکن ساعتی حسین افندی ی ضرب ایدن احمد افندیکن بر لیرا آله رق مضروب ویرلسه فاطمه طرافت خانم اطاله لسان ایدن حکاک احمد ناجی افندیکن اوجکون حبسه یاغلقچی علی عرفان افندی به اطاله لسان ایدن قاضی قانکله حبسی رویندن برلیرا جزای نقدی اخذینه طومه یی ضرب ایدلکی اصولاً ثابت اولان بلاط اسکله سنده و ابورحمالی بوصفک اون کون حبسه سرکه چیده کهر باجی علی افندیکن دکاندن سیغاره لق سرقت ایدن حیدر پاشا ریخته ده ماکینست سمول نام دیگر انجلو ولد شاربدره نك اوج آی حبسه بکچی ابراهیم اغایه اطاله لسان ایدن دولکر حسین جاشوک زوجه سی فاطمه خانندن یادم لیرا جزای نقدی آلمسه درسعادت بک اوغلی و اسکدار بدایت محکمه لری جزا دائره لرجه قرار ویرلشدر .

اعلانات

درسعادت استیفاء مدعی عمر بیکلنده : بک اوغلنده فریده ده ترزی آغویک کیچهلین سرقت قضیه خانه سه دخوله تصدی ایتدکی ادعا سیله مظنون علیه اولوب حال فرارده بولان اوزونجه بویلی الا کوزلی، قره بیق و قاش و صاجلی و جکمه برونی مدور لهجه لی، مطروش، بغدادی بکزی ازیمیری قرق سکر باشنده مصطفی بن حاجی علینک اصول محاکمات جزائی قانوننک مواد مخصوصه سی احکامه توفیقاً درسعادت جنایت محکمه سنده محاکمه سی اجرا قلمق اوزره قانون جزانک ایکویز یکر منجی ماده سی موجبجه جنایتله اتهامه قرار ورلیدکندن متهم مرقومک هر زرده کوریلور ایسه طویلوب محکمه مذکورده توفیقاً سه تسلیمی لازم کله چکی بالجله ضابطه عدلیه مأمور لرینک معلومی اولتی اوزره اشبو اخذ و گرفت مذکورده سی درسعادت هیئت اتهامیه سندن بالتظلم اعطا قلندی .

بیغا سنجانی بدایت محکمه سی جزا دائره سنده : بیک اوجپوز اون الی سه سنی مارتنک اون رنجی جمعه ابرنسی کیجه سی پیرامیج قضاسنه تابع طوعانجی

قریه سندن متوفی حافظ حسین افندی زوجه سی حقیقه بی صورت خجیه ده قتل و نفوذ و اشیا سی اخذ و سرقت ایلدکاری ادعاسیله مظنون علیه بولنان اشخاصدن اولوب درساعات هیئت اتهامیه سندن جنایتله حقنده اخذ و گرفت مذکره سی ویرلمش اولان اوصاف و اشکالی غیر معلوم بیرامیچ قضاسنه تابع عشیق ایل قریه سندن یتیم اوغلی ابراهیمک اصول محاکمات جزائییه قانوننک اوچیوز یتیمش برنجی ماده سی موجبجه قانونه اطاعتله محکمه یه کلسی ایچون جانب ریاستدن مجدداً اون کون مهل ویرلمش اولدیغندن مدت مذکوره ظرفنده اثبات وجود ایتدیکی حالده محاکمه سی غیاباً بالاجرا حقوق مدنیهدن اسقاط و اموالی حیز ایدیه جکی و بوبابده مرقومک دعوی اقامه سنه حق اوله میه جکی کبی بولندیغی محلی بیلنلر خبر ویرمهک و بالجله ضابطه عدلیه مأمورلرینک مرقومی دردست ایتمهک مجبور بولندقلری اعلان اولنور .

بیگ اوچیوز اون الی سنه سی کانون اولنده بیغا قضاسنک سلیمان بک چقلکنکک طاهر اووه سی نام محله بیرامی جرح و قتل ایتدکاری ادعاسیله مظنون عایم اولوب درساعات هیئت اتهامیه سندن جنایتله حقارنده اخذ و گرفت مذکره سی ویرلمش اولان اورت بویلی مطروش قرال بیسقلی اسمر سیوری چهره لی لومه قضاسنک چایلا قریه سندن چوبان طالب وقضاء مذکورک بوشدیران قریه سندن سیاه بیسقلی اسمر بکزیلی طویارلاق چهره لی یکریمی درت یاشلرند چوبان شریف و پرزین قضا سنک برداخان قریه سندن اوزون بویلی الاکوزلی مطروش قرال سیاه بیسقلی یکریمی بش یاشلرند چوبان مالک و دبره نک رقه قصبه سندن اورت بویلی سیاه بیسقلی اسمر بکزیلی طویارلاق چهره لی یکریمی بش یاشلرند چوبان مظلومک زمان وقوعاتدنبرو وادی فرارده اولوب الآن اله کچوریله ماش اولمردنناشی اصول محاکمات جزائییه قانوننک اوچیوز یتیمش برنجی ماده سی موجبجه قانونه اطاعتله محکمه یه کلسی ایچون جانب ریاستدن مجدداً اون کون مهل ویرلمش اولدیغندن مدت مذکوره ظرفنده اثبات وجود ایتدکاری حالده محاکمه لری غیاباً بالاجرا حقوق مدنیهدن اسقاط و ماللری حیز ایدیه جکی و بوبابده مرقومونک برکونه دعوی اقامه سنه حقاری اوله میه جکی کبی بولندقلری محلی بیلنلر خبر ویرمهک و بالجله ضابطه عدلیه مأمورلرینک مرقومونی دردست ایتمهک مجبور بولندقلری اعلان اولنور .

برنجی محکمه تجارنده :

روسیه دولتی تبعه سندن استانبولده تحته قلعده ده بلانومرو دکانده مقیم عبده هاشموفک تبعه دولت علیه دن مرقی قریه سنده طاش خان قارشوسنده کی خانه ده ساکنه ایکن الیوم اقامتکاهی مجهول بولندیغی خبر ویریلان عمرافندی کریمه سی لطفیه خانم علیه برقطعه مقاوله نامه یه استناداً بدل ایجار اوله رق بروجه پیشین آلمان الی لیرانک اعاده سی خصوصه دایر محکمه تجارت برنجی مجلسنده اقامه ایلدیکی دعوانک اشبو اوچیوز اون طقوز سنه سی تموزینک اون طقوزنجی جمعه ایرتسی کونی ساعت التیده فصل ورؤیتیه مباشرت اوله جغندن مومی الیه لطفیه خانمک یوم ووقت مذکورده محکمه مزبورده حاضر بولنسی ویاخود مصدق سنده بر وکیل کوندرمسی لازم کله جکی وشاید کلز و وکیل کوندرمسیایسه دیکر طرفک وقوعوبله جق طایب اوزرینه حقنده معامله غیابیه اجرا قلته جنی معلوم اولقی اوزره تنظیم اولنان دعوتیه ورقه سی علی الاصول محکمه نک دیوانخانه سنه تعلیق قلندیغی کبی اوراق حوادث واسطه سیله دخی اعلان اولنور .

تجارت بحریه محکمه سنده :

قاضی قریه سنده موده جاده سنده کائن مغازه سنده ساکن ایکن تجارت بحریه محکمه سندن افلاسنه حکم اولمش اولان بقال مینا سنبل اوغلی ذمتده اله جققی اثبات و یاموقه قبول و قید ایتدیرمش اولان اله جقلو لره قانوننامه تجارتک ۲۱۱نجی و آتی ولی ایدن ماده سی موجبجه مفلس طرفدن تکلیف اوله جق قوتقور داتونک مذاکره سیچون سنه جاریه تموزینک ایکنجی چهارشنبه کونی محکمه مذکورده نک افلاس اوطنه سنه کللری اعلان اولنور .

بک اوغلی بدایت محکمه سی اجرا دائره سنده :

صوفیا قادینک دیمتری اپوستولیدی ورته سی ذمتده بک اوغلی ایکنجی حقوق دائره سنک اعلامی موجبجه محکوم به الاجبی اولان مبالغک تأمین استیفا سی ضمننده بلاطده حاجی عیسی محله سنده جیقماز ایوالی زقاقده حاجی ابراهیم اغا وقفندن طقسان ذراع عرصه اوزرینه مینی بش اوطنه و برمطبخ و آچیقلفی مشتمل بر باب اخشاب خانه لیدی المزایده اوچیوک یوز غروش التون ایچه بدل ایله طالبی عهده سنده تقرر ایتمش اولمغله تاریخ اعلاندن اعتباراً اوتوز برکون ظرفنده یوزده بش ضمیله طالب اولانلرک بک اوغلی بدایت محکمه سی اجرا دائره سنه مراجعت ایللری و اوتوز برنجی کونی دخی ساعت اوچ راده لرنده قراردادده قطعیمی کشیده اولنقی اوزره خانه مذکور پیشکاهنده

حاضر بولنلری اعلان اولنور .

سرکز طاشجیان افندیکن بک اوغلنده جدیدیه زقاقنده یوز یکریمی درت نومرو لی خانه ده ساکن بارونجی باشی زاده دادیان کر قوربک ذمتده بک اوغلی بدایت محکمه سی ایکنجی حقوق دائره سندن اعطا قلنان برقطعه اعلام موجبجه الاجبی اولان مبالغک تأمین استیفا سی ضمننده مدیون مومی الیه ک عهده تصرفنده اولان چکمه جی صغیر قضاسنه تابع آیایورکی قریه سنده کائن معلوم الحدود متعدد ترلا و مرعه یی مشتمل طاطارجق چقلکنلرینک اجرا قلنان مزایده علیه سی نتیجه سنده بیگ یوز یتیمش بش عدد عثمانلی لیراسی بدل ایله طالبی عهده سنده تقرر ایتمش اولدیغندن تاریخ اعلاندن اعتباراً صورت قطعیه ده تمذید ایدیلان اوتوز برکون ظرفنده یوزده بش ضمیله طالب اولنلرک و بوندن زیاده معلومات آلتی استیانلرک یوزده اون نسبتنده کی دیپوزیتو ایچهلرینی مستصجاباً بک اوغلی بدایت محکمه سی اجرا دائره سنه مراجعت ایللری و مدت مذکوره ختامنده قرار داده قطعیمی کشیده قلنقی اوزره شهر تموزک یکریمی بدنجی بازار کونی ساعت دردن طقوزه قدر چکمه جی صغیر حکومت دائره سنک پیشکاهنده مأموری حضورنده حاضر بولنلری اعلان اولنور .

چکمه صغیر بدایت محکمه سی اجرا دائره سنده :

ایمکچی استباط ولد دیمترینک کوچک چکمه جی بدایت محکمه سی حقوق قسمندن اعطا قلنان برقطعه اعلام موجبجه کوچک چکمه جی استاسیونی جوارنده کبریت فابریقه سنه اضافتله فابریقه مذکورده مقیم موسیو (ژ) پلاتی ایله غلطه ده لطیف خاننده مقیم دعوی وکیلی علسکیان افندیکن الاجبی بولنان مبالغ معلوم نک تأمین اخذ واستیفا سی ضمننده مذکور فابریقه نک مالی اولوب احتیاطاً حیز اوله رق اعلام مذکورله حیز موضوعک تصدیقی قرارکیر اولمش اولان نقلیاته مخصوص بش عدد ماوون ایله تخمیناً ایکیوز الی مترو مقداری تیمور رایلرک وایکی عدد بولانقی طورناتک ماه حال رومینک یکریمی طقوزنجی بازار کونی ساعت اوچ راده لرنده اجرا مأموری معرفتله کوچک چکمه جی قریه سنده بالمزایده فروختی قرارلشدیرلمش اولدیغندن طالب اولنلرک یوم مذکورده قریه مزبورده حاضر بولنلری اعلان اولنور .